



S. Odilo Abbas. Cura defunctorum

[Köln], [1654]

S. Hermenigildus Rex. Desiderium martyrii.

[urn:nbn:de:hbz:466:1-71907](#)

106
terrisin
III ele-
difficilli-
anos 21,
eius no-
tus , de-
minavit,
4; & per
m anni
scori he-
umpeni
i , quis se
ogressus
ire pra-
be mira-
einserico
, præda-
ris, cædi-
gia scrip-
onumen-
am apud
us, sepul-
700 ele-
repertum
Deicon-
lumnae



S. HERMENIGILDUS REX.

Desiderium martyrii.

Deus, qui B. HERMENIGILDVM cæ-
lesti regno terrenum postponere do-
cuisti ; da , quæsumus , nobis ejus
exemplo caduca despicere , atque
æterna sectari.

Ora pro monarchia Hispanica.

Hermenigildus, cum fratre Recaredo Rex creatus à patre Leovigildo, uxorem petierat Ingundem, Sigeberti Franco- rum Regis filiam. Hæc viro dotem attulit meliorem quam sacer Arianus intenderat Catholicam fidem: quam, ipsa suadente, & S. Leandro Episcopo docente, sic amplexus est, ut nullis patris impiiblanditiis aut minis, vel etiam injuriis, potuerit ab ejus profes- sione publica dimoveri. Videns ergo vim si- bi à patre paratam, conscientię libertatem putavit se posse etiam armis tueri. Sed his inferior, cum anni unius obsidionem Hispa- lis sustinuisse, seque tandem inde subduxisset perfugam; ab hac retractus, & regiis spolia- tus insignibus, in vincula conjectus est. Ve- rum liber animus vinciri nequivit. Instabat Paschale festum, 14 Aprilis anni 586 cele- brandum. Immittitur ad eum Arianus Epi- scopus, patris gratiam & regnum cum sacri- legi ritus communione oblaturus. Utraque is respuit, & maluit caput ferendum securi præbere: dignus cuius funus Angelico cantu & cælestilumine celebraretur, sicut Grego- rius Magnus tunc vivens scripsit, ex relatio- ne S. Leandri.

Mihi vivere Christus est, & mori lucrum.
Phil. 1.